


# 西北彙刊

中華郵政掛號  
認爲新聞紙類  
民國十四年十  
月廿三日發行

綏區包頭東古廣覺寺初仿西藏拉薩寺式重建禮舍十餘幢於此狀如披



\* \* \* \* \*

第一卷第七期要目

影片 綏區包頭古廣覺寺

評論 我所希望於蒙古同胞者

調查 綏遠農墾調查記續

計畫 綏遠農墾計劃私議

特載 籌辦西北墾務大綱

政聞錄 西北之婦女教育

大事記 國內大事記

雜俎 詩、詞、格言、歌、

叢談 匪談

西北風俗談

西北之空前運動大會

國內大事記

國外大事記

詩、詞、格言、歌、

匪談

西北風俗談

# ●本社啓事

本刊徵集西北風景名勝古蹟照片迭承 京綏路局局長及毛代署長塞北稅關監督豐鎮縣農會溫會長慨贈多枚勝蹟濛濛期共欽賞雅人韻事感謝奚似并望各界有此珍藏或臨時攝照者多多惠寄以便公諸同好禱切盼切

## 祝詞

察哈爾財政廳長過之翰

### 祝詞一

人豪天挺。政教覃敷。辰熙底績。克建雄圖。何以揚摧。宏此訏謨。鴻文扛鼎。碩彥通儒。朔南遠暨。名實相符。輔成盛治。萬象昭蘇。

### 祝詞二

江西潯陽道尹鄒日燿

營平一疏開西域。陸贄千言靖北軍。(用王樓郵句)漫道空言無實效。公然紙上建奇勳。  
將相有權寧自棄。英雄無種要人爲。(用張船山句)茫茫戈壁成天府。坐想貔貅萬竈時。  
須知大鼻驢王種。龍鳳豐姿虎豹材。(用李恁伯句)起事東南開浩劫。收功西北仗雄才。  
威宣貳負陳尸日。疆拓匈奴斷臂年。(用林文忠句)孤憤填膺一回首。後賢豈必讓前賢。  
本刊出版以來。謬承 各界贊許。馳函獎飾。高幾盈尺。以詞多溢美。心滋感愧。未遑披露。  
頃 鄒道尹遠隔數千里。既無一日之知。輒賜千金之祝。重違 雅誨。用弁簡端。以誌同人聞譽而懼慥慥自勉之意云爾。

## 評 論

### ●我所希望於蒙古同胞者

德旭居士

蒙古地域。跨漠南北。延袤數千里。雖有沙漠不毛之地。及氣候酷寒之期。然水草豐富之區。所在多有。觀其畜牧之盛。可想見其土地之膏腴。適於生物之培植者不少也。又每年三月解凍。以迄八月。半年之內。天氣溫和。視之關內。不甚懸殊。是固有相當期間。可資人類之活動。從事於事業之經營。且蒙古同胞。概具有強健之體魄。果毅之精神。誠信溫和之美德。若有完全之教育。善良之政治。助長其文化。發達其性能。吾知其長足進步。必有一日千里之概。試觀自元以來。蒙古偉大人物。如成吉思汗等之傑出者。史不絕書。撫今思昔。猶深景仰。其國民性之優良。不有其明證乎。夫人類之發達。地宜氣候國民性。缺一不可。今三者俱備。則美滿之希望。條件上固已完全可能。此吾人於蒙古同胞。所以至心禱祝其進步。而以爲吾人之期望。必有成功之一日也。惟欲滿此希望。則其方法有不能不進而商榷者。舉之於次。

一 教育宜思振興也。人類智識之開發。才能之養成。皆惟教育是賴。國家不可不以此爲急務。

人生不可不以此爲要圖。固與吾人之衣食住。有同等價值。而不可一日缺者。況值西北當局熱心建設。於蒙古教育。極力提倡。蒙古同胞。奮然興起。自動的舉辦。以謀進步。此其時也。愚見所及。以爲最先最急者有二。卽小學校與職業學校是。小學開辦之初。祇設初級。期限四年。暫不必再設高級小學。蓋謀始最難。期間過長。舉辦不易。爲普及計。以暫設初級四年爲最適宜。數年之後。成效已著。或地方財力漸次充裕。隨時延長。未爲晚也。學校配置。宜因地制宜。特別變通。其地農墾者多。則設固定之校。收其附近之學童。遊牧之風未改者。則所設小學。隨牧場移動。庶兒童之就學。及家庭之保育。可以兼顧。職業學校。專講農墾、畜牧、及初級工商業。以立其舊業改良之基礎。或引起其事業改進之興會。助長其生活技能。以畢業之後。可以直接應用爲目的。入此校者。本宜以小學畢業者爲限。惟開辦之始。宜爲變通。凡年十二歲以上十八歲以下者。均得入學。庶幾年長失學者。得有學習之機會。但此等學校。須聯合較多之地方團體。公共經營之。學校校址固定。並設宿舍。以收較遠之生徒。至於辦學經費。自當就地籌辦。如有公款可以挹注者。則於可能之限度以內。提撥若干。猶有不足。則創興學畜產捐及地畝捐。以補充之。

一職業宜謀進步也。人類競爭。日趨激烈。生活程度。日益增高。吾人職業。若仍故步自封。則收入相形見絀。何以應此時勢。故職業之須謀進步。無論誰何。皆當時常注意者也。蒙古同胞。欲謀職業之進步。宜分三項。其一曰改良畜牧。各旗畜牧之利。雖稱極盛。究之經營方法。一依舊來習慣。未能盡畜牧之利。且亦未能應時勢之要求。故改良爲先務之急。畜牧事業。以牛羊駝馬爲主要畜產。其中馬牛羊尤爲重要。而三種畜類之應用。各視其目的如何。而所需之種各別。以馬而論。牧畜者必能改良馬匹。而後利潤無窮。其改良之目的。最上者強健矯捷。適於戰爭。其次亦必求其雄駿耐勞。庶能引重致遠。可以普通應用。今之蒙馬。有合乎最上之目的者乎。恐不數觀也。卽以普通應用論。較之外國種。猶有遜色。吾人於此。不僅爲吾國國防上之需要危。且亦爲蒙古同胞之產業悲矣。此馬匹之所以急須改良也。次言牛羊。牛之用途。曰耕種。曰取乳。曰負重。曰食用。蒙地取乳。尙守舊法。不知改良牛種。祇可供家常日用之飲啜。未足以爲取乳製乳營業目的之用。應購外洋乳用牛種。以期改良。增加乳量。卽以食用論。亦當擇其種之易於肥碩者。而後利益更厚。其強勁而耐勞者。始以之供耕地負重之用。畜羊目的。首在剪毛。因現今禦寒衣服除我國尙用皮貨外。世界各國。率用毛織。然以毛織物適宜於裁料之

用。卽我國亦且購自外洋。以充服飾。故吾人畜羊。當然置重於此。庶幾羊毛出品。除供給國人需要外。猶可競爭於各國市場。夫重要目的。旣在剪毛。則擇種改良。何可忽視。又羊種之中。何者適於取乳及食用。亦有待乎擇種。不可純任天然也。駱駝爲西北交通必用之物。毛絨又毛織物極佳之原料。逐漸改良。亦畜牧者之所應有事。蒙古同胞。若能於此力求進步。利益之厚。可以斷言。惟各項畜種改良。需費不少。或由人民合羣力爲之。或政府人民共同負擔。亦無不可。其二曰改業農墾。蒙俗自古迄今。遊牧之風。保持不變。其業雖盛。其利雖大。究之馳逐水草。終歲不能安居。其弊一。所業之事。衣食住三者。不能憑藉自力。直接解決。必待交易。而後能滿足其欲望。不便孰甚。其弊二。糧食爲日用重要物品。仰給於人。取材異地。勞多費重。其弊三。張幕而居。生活不能不趨簡陋。夏則炎日薰蒸。冬則嚴寒慄冽。棟宇不備。衛生不宜。終歲抵抗天然。於精神文明之發達。尤多障礙。其弊四。有此諸弊。實於蒙古同胞之進步。阻害不淺。故改遊牧爲農墾。實蒙古今日之急務。顧或者曰。蒙古土地。宜於畜牧。而不宜於農墾。蒙古同胞。長於畜牧。而不長於農墾。一朝改業。事非所習。恐利少而害多。吾曰。子獨不觀近邊各地。非昔皆牧場。而今已變爲隴畝。每年收穫。視關內毫不多讓乎。又不見近邊各地蒙古同胞。已改業農者。

不儼然深耕易耨。千倉萬箱。坐享其力田之樂。與關內之擊壤而歌者。無二致乎。況乎農家生產。稼穡之外。仍可兼營畜牧。蒙古同胞。一方效法他人所長。一方利用原有之技。吾祇見其利益之無窮。而未見其害也。其二曰學習工業。蒙地寒季。幾居一年之半。爲時甚長。從來習慣。一入寒季。屋外操作。不能繼續。家人父子。老幼男女。踞炕圍爐。幕中作客。廢時失事。殊覺可惜。若取其所產駝羊各毛。製繩編物。則生貨變爲熟貨。可以盡其產物之利。所獲何止倍蓰。且向日坐耗半年之人口。今則從事極有價值之工作。除實獲物質之利益外。更可遣送無聊之歲月。而愉快其精神。朽腐化爲神奇。一舉而數善備者。此之謂乎。奈之何其不起而行之也。

一團體宜速行組織也。蒙古以前之盟旗等稱。皆係世職制度。所管甚屬遼闊。求其形似地方團體之機關者。固不可得。今爲蒙古同胞謀切身之利益計。（卽前列舉之教育職業等項）則組織地方團體。自爲急務。惟創制之初。極宜慎重。且風氣未開。習慣各別。組織難取一致。宜視人民事業之所宜。定其團體範圍之所及。若其團體內各戶。皆業農墾。則倣內地之農村。組織固定之地方團體。若其團體內各戶。目前未能改業農墾。依然繼續遊牧。或改業耕種。在地理上無可能性。不能不仍遊牧之舊者。則就其遷徙之戶口。組織移動的地方團體。隨其轉徙之

所在。執行其公共事務。如此規模粗具。庶乎軌道可循。團體有負責之人。官廳可舉督促之實。若網在綱。有條不紊矣。

一奴制宜。速廢除也。人生宇宙。秉賦天能。雖有智愚賢否之分。然以人格言。實無階級高下之別。此東西政治家哲學家宗教家所公認。已成天經地義。入於人人之腦筋。不可磨滅。於此而猶甘被奴於人。是自外生成。將爲人類所不齒。人非病狂。決不至此。於此而猶欲奴人。是悍然與公理爲敵。而反抗世界一切含生賦氣之倫。自甘居於毒蛇猛獸之列。世界人類。皆將視爲公敵。羣起而攻之。人非至愚。亦決不出此。蒙古風俗。積習相沿。世職之家。尙不免奴制形式之存在。無可諱言。政府已有明令。自當雷厲風行。本可不贅。惟恐因襲既久。積重難返。故敢再盡其拳拳。吾以爲世職之家。當知天生人類。各秉良能。吾人擴而充之。發揮盡致。立於天地之間。始可無愧。且吾旣爲一健全之人。安可頓指氣使。事事倚賴他人。自等於殘廢乎。又安可拊制他人。供吾驅使。令彼喪失人格。而吾違反公理乎。況民智日進。公理日彰。昔之爲吾奴使。帖爾而服者。安知其不一朝變計。離吾而獨立乎。果其若此。則吾生活之所需。勢將無所從出。豈非絕大危險。及今早爲之所。絕其倚賴。憑藉自力。求吾可成之職業。保吾固有之生產。習之旣久。



吾自可得其技能。有所恃而無恐。爲世職之家計。奴制存在之爲愈乎。奴制廢除之爲愈乎。不待智者而後知也。抑更有進者。共和政治。國民一律平等。絕不容有階級痕跡之存留。清帝溥儀。一經退位。卽屬平民。稱帝斗城之中。有識者已爲之齒冷。諸君之王公貝勒等名號。皆根於滿清一代羈縻政策而生。既入民國。則根本上久不能存在。亦猶之清帝之稱呼。一贅疣而已。民國初元。政府專尙寬大。從其所好。虛與委蛇。不過爾爾。究之毫無意義。固不必仍竊號以自娛。故吾謂宜乘政府明禁奴制之機。更廣政府促進文明之義。並此非驢非馬之名義而取消之。諸君榮譽。必將載之中外文明人之口碑。較之虛有其名之頭銜。高出萬萬矣。諸君其亦有意乎。至於例宜解放之人衆。或其祖若父已生主奴關係。或及身結此惡緣。爲怨爲恩。雖不一致。及此時會。各自脫離。固不待言。卽有嫌怨。亦當祇爲善後之謀。絕對不可尋仇抵隙。必求利己而仍無損於人。方爲善體政府發政施仁之厚意。此又其所當覺悟者也。

一宗教宜謀改良也。世界各國。範圍人類之身心者。法律道德宗教三者而已。互相爲用。如車之輓軛。缺一卽不能全其功用。故治國者之於宗教。適宜運用之。可以收人民信仰向善而易治之効。蒙古崇奉佛教。表面觀之。雖曰極盛。究其實際。徒具迷信之形式。已失釋氏之精神。但

其信仰既深。根本剷除。固事勢所不許。亦政策所不必然。蓋破除人民向善之信心。不啻絕鞅而令馬馳。爲政家所不取也。蒙古同胞。既有此信仰之美質。惟有卽佛教闡明之。破其迷妄。示以正軌。凡彼不合佛法。驚世駭俗者。一概擯除。昔人以之愚民者。今者以之牖民。一轉移間。覺迷各別。善惡殊途矣。

夫教育興則民智進。職業改則民用足。團體組則民治隆。積極之改進。思過半矣。奴制打破。則人民身體之束縛除。宗教革新。則人民精神之桎梏去。消極之助長。蔑以加矣。而謂蒙古同胞文化之基礎。不於此成立。吾不之信。吾將拭目俟之。以冀吾言之克見諸施行也。

(完)

## 調查

### ●綏遠農墾調查記

(續)

曾雄鎮

### 三、雨量

綏區雨量雖少。然夏季時常降雨。濕潤得宜。近以京綏路通。人口日衆。農作物及森林漸多。氣溫增高而雨量亦增多。余在綏區月餘。(七月廿二日至九月六日)幾無日不雨。說者謂近年

氣溫南來。今年雨量之多。實為前此所未有。植物能調和雨量。誠信而可徵也。茲再列綏遠農事試場氣象觀測雨量表於次。

●綏區十年間每月雨量平均比較表

調 查 九	月 份				年 份
	四 月	三 月	二 月	一 月	
	9.0	0.0	0.0	0.0	年 四 國 民
	5.2	0.0	12.8	25.5	年 五
	5.6	0.0	16.2	0.0	年 六
	11.6	10.3	5.1	0.0	年 七
	0.0	8.4	—	—	年 八
	9.0	0.0	27.4	0.0	年 九
	0.0	18.0	—	20.5	年 十
	12.3	0.0	48.1	—	年 一 十
	22.8	16.7	10.1	7.2	年 二 十
	—	—	0.0	—	年 三 十
	7.55	5.34	11.97	5.32	均 平 總 年 十

月一十 月十 月九 月八 月七 月六 月五

0.0	30.9	57.1	117.7	164.1	47.5	27.5
23.1	25.5	74.8	57.4	43.7	46.6	19.0
—	14.2	47.1	11.0	105.2	46.9	35.6
17.5	7.9	23.1	144.5	40.0	65.9	23.7
—	18.5	76.4	193.2	115.3	77.1	29.1
—	7.14	53.61	52.0	64.5	95.3	37.8
—	77.5	13.6	43.5	15.14	160.3	86.6
0.0	0.0	37.8	191.4	42.1	42.1	11.5
—	0.0	38.0	105.8	42.1	2.1	—
0.0	11.9	10.0	87.1	74.1	160.5	3.3
14.06	25.78	91.40	100.36	84.25	74.43	27.31

圖

資

一〇

量雨總年全 (寸 英)	量雨總年全 (突 米)	月二十
17.698	453.8	0.0
12.971	332.6	0.0
10.990	281.8	0.0
13.634	349.6	0.0
20.202	518.0	0.0
36.828	944.3	50.8
22.285	571.4	0.0
15.027	385.3	0.0
9.547	244.8	—
13.529	346.9	0.0
17.2717	442.85	50.8

由上表觀之。綏區雨量最多者為三十六英寸。最少者九英寸。十年平均十七英寸。較多雨之南京。(南京平均雨量四十一英寸)固相形見絀。然較陝晉等省。相差則屬無幾。惟綏區地勢高燥。春夏之交。風沙頗烈。冰凍期內。朔風尤劇耳。

#### 四、土質

綏區除山嶺小阜及少數被山洪衝洗之地僅能放牧造林外。尙有五十一萬數千方里。皆平坦肥沃。可以開闢栽培作物。惟面積廣闊。各處微有不同。沿包綏鐵路。田壠平坦。表土極深。俱為沙質壤土。富於腐植質。極其肥沃濕潤。故所種各種作物。毫不亞於內地。而五原河套之地。

爲黃河淤積而成。尤爲平坦肥美。青草蕃茂。可以蔽人。據外人估計。此地開墾三十年內。可不施肥料而自有豐富之收成。誠農墾之天府也。至於後山之地。山陵起伏。頗不平坦。低地肥沃。濕潤。仍與前山之地相埒。而高處傾斜地。表土極薄。已成粗砂土壤。此蓋由農人智識太低。對於土地毫不施肥。甚至收穫時將作物連根拔出。收回以充燃料。以至土壤內腐植質漸少。粘力漸弱。在休閒期間。又不知播種綠肥作遮蓋物。一遇暴雨衝洗或狂風吹刷。上層細土即被洗去或飛揚。惟粗砂尙存於地面。故有此現象。又大榆樹灘地四圍皆山。內有平原一萬六千餘頃。土色極黑。爲富於腐植質之砂質壤土。山東移墾協社所墾之胡吉爾梁。即大榆灘之一部分也。

### 五、水利

綏區雨量既少。而土壤又係砂質。含水力較弱。自以利用河水灌溉爲最要着。故有水灌溉之地。較無水灌溉者。其收穫恆多數倍。而其地價亦高數倍或數十倍者。在歸綏有大黑水。小黑水。哈拉沁水。在畢克有磨菰溝。（此名詞問自農人。恐音有錯誤。）在包頭有轉龍藏諸水。皆農田所恃以爲灌溉者。以上各地。除各種農作物之外。尙可栽培園藝作物或工藝作物。畢克齊蔬菜園藝最著。而其出產品東輸歸綏。北運後山各地。又該地盛產大麻及烟葉。均可運出各

地販賣。獲利最大。以故畢克齊在綏區農村中爲最富庶之地。該地地價每畝值八十元以上。且無賣者。灌溉之利。於茲可見。後山雖有數小河。然皆未見利用。實無水利之可言。固陽城廓耶穌教堂曾開渠十餘里。引阿達山水灌溉。成績卓著。可見水利之興。又全係乎人者。至河套河內。（詳細情形。已見本刊第二期。茲不重述。）西北當局正開渠鑿溝。不久渠功告成。荒地開闢。將見駕畢克齊而上之。自在吾人意料之內。蓋河套原極肥沃。加以黃河水性含肥。更能增加土壤之肥力。故先民嘗謂（有聖人起經營天下。必自西北水利始。）諒哉言乎。（未完）

## 計 畫

### ●綏遠農墾計劃私議

唐啓宇

三、土地概況之計畫及預算土地之若何利用。亦開發土地富源之最大問題也。宜農之地而棄之爲林地。爲牧場。則所謂棄利於地矣。宜造林及畜牧之地。而種植焉。則事倍而工半。所得有限。故土地之分類。爲墾務局放墾時所不可不計議者。況農地內旱地與水地所需耕種

面積之多寡。以及土地之肥瘠。亦各自不同。水地之膏腴者一頃已足成一單位。旱地之膏腴者。或須有二十頃。始能成一經濟單位。茲計算經營一百畝農場之收入及支出如左。

百畝農場之預算

第一表 農場資本

土地(按每頃土地120元附加費20元計算)	\$ 140
房屋	
住屋.....	36
廐舍.....	
牲畜	
役用牲畜 2頭.....	70
其他牲畜	
騾 1頭.....	35
豬 5頭.....	20
羊 70頭.....	142
驢 1頭.....	20
農具大車等.....	100
(註七).....	
	共支出563元



## 第二表 農場收入

	第一年			第二年			第三年		
	畝數	收量 穫	總格 價	畝數	收量 穫	總格 價	畝數	收量 穫	總格 價
計 小麥				20	10石	70元	30	15	155
粟	.....								
藤	10	6石	27	15	9石	40	30	18	81
畫 豌豆	.....			5	4石	30	5	4	30
胡蘇	.....			.....			5	4	28
蕎麥	30	21石	84元	30	21	84	30	21	84
	111			244			573		
羊之皮毛	40			40			40		
猪	14			14			14		
騾驢滋 生數	10			10			10		
	175			308			442		

註七農具大車等投資至100元之巨乃因較優良之農具庶工作時可以省人力也

## 第三表 農場支出

	第一年	第二年	第三年
短工工資	20	30	30
種子等之費用	10	20	30
資本之利息	44.56	44.56	44.56
折價(註八)	36.84	36.84	36.84
國稅	.....		
	111.40	131.40	149.40
農場之利益	54.6	136.60	272.60

照上述三表之數字。似乎農場在第一年第二年已可獲有利益。但實際上殊不如是之簡單。在第一年第二年間農人之食物。牲畜之飼料。類皆取之田園。而此項數目不易規定。故不能扣除。於是農人在第一二年間生活之困難可以想見。若再維持家庭之生活。則更覺苦痛矣。茲再計算經營二十頃農場之收入及支出如左。

註八折價係按照牲畜百分之十二房  
屋百分之五農具百分之十計算  
二十畝農場之預算

第四表 農場資本

土地.....	\$ 1200
房屋.....	
住屋.....	
廐舍.....	
儲藏室.....	
牲畜	
役用牲畜30頭.....	1050
其他牲畜	
馬2頭.....	100
騾8頭.....	560
驢 25 頭.....	500
羊 700 頭.....	1660
豬 20 頭.....	100
雞50頭.....	10
農具及機械.....	3500
	共支出9080元

## 第五表 農場收入

計 畫	第一 年			第二 年			第三 年		
	畝數	收量 穫	總格 價	畝數	收量 穫	總格 價	畝數	收量 穫	總格 價
小麥	300	75	675	500	150	1350			
粟		50	30	135	100	60	270		
蕎麥	300	120	540	300	120	540	300	120	540
菜子		50	40	240	100	80	480		
豌豆		50	20	150	100	40	300		
胡蘇		50	30	210	100	60	420		
蕎麥	500	250	1000	400	200	800	250	120	500
莖麥							50	15	90
	800		1540	1200		2750	1500		3950
羊之皮毛			400			500			600
豬			70			70			70
騾驢滋生數			80			80			80
鷄之滋生數			10			10			10
共收入			2100			3410			4710

## 第六表 農場支出

一 七	第一 年			第二 年			第三 年		
長工(八人)		560		630		700			
短工		80		100		120			
飼料		.....		.....		.....			
種子等之費用		500		200		100			
資本之利息		726.4		726.4		726.4			
折價		830.8		830.8		830.8			
國稅		.....		.....		160.0			
		2697.2		2487.2		2637.2			
農場之利益		—597.2		1922.8		2222.8			

爲國家移民於西北計。則開發百畝之農場。誠爲至要。但若爲求土地之利用計。則開發五百畝及二千畝之農場。未始無益。蓋新農具之使用。新方法之採行。大農常優爲之。小農常隨其後焉。夫土地之極端利用。固應列爲國家政策之一。但利用之遲早亦不可不注意。持極端利用政策者。以爲土地開闢愈多。國富愈增。不知驟然增闢多數土地。則農產多。農產多則價格賤。價格賤則傷農。有如美之開闢西部肥沃之土地也。移民鑿集。農人常歎農產品價格之日落。有焚玉蜀黍以爲快者。今爲開發西北計。每年土地之放墾。似宜規定數目。逐年進行。以私意度之。察綏兩區每年每區可放地至一萬五千頃爲度。牧場地二千頃。農地一萬頃。中二千頃放諸每戶之平均領二千畝者。共移民一百戶。二千頃放諸每戶之平均領五百畝者。共移民四百戶。六千頃放諸每戶之平均領一百五十畝者。共移民四千戶。設使一頃地平均能出四十石糧食。而農人每年以其所得之半。售之於市場。則每年京綏路須增運二十萬石之糧食。每石價格以五元計。則農人之收入得一百萬元。而農人用此一百萬元購買布匹及其他必需品。是一轉移間。每年每區可增加二百萬元之貿易。其有加於政府之稅收。及運費之收入。亦匪淺矣。

(未完)

# 特 載

## ●籌辦西北墾務大綱 (續)

### 第二篇 第一期 察哈爾區移民辦法

第一條 第一期辦理移民開墾。爲交通便利。先在察哈爾附近荒地開墾旱田若干頃。建設若干農村。移民若干戶。前往開墾。卽由附近之直隸山東山西河南京兆五省區招募。其應行規定事務如左。

一 調查 二 畫區 三 鑿井 四 造村 五 工隊 六 宣傳 七 招待 八 分村 九 領房 十 領地 十一 資助 十二 保護 十三 村治 十四 預算 十五 期限 十六 利益

第二條 調查辦法。按照總則第二十三條所定。先行組織調查隊。由隊長率領前往。照另訂詳細計畫辦理。

第三條 畫區辦法。卽照總則第二十四條所定。相其地段。以每村能容若干戶。以其共有畝數。加村基道路及公用地畝。畫爲一段。按照畫區詳細計畫辦理。

特 載

第四條 鑿井辦法。在軍隊未開拔前。先派一部隊前往荒地鑿井。以便飲水和泥造房之用。

第五條 造村辦法。照總則第四第五條規定。於荒地適中地易於鑿井者。畫定村基。每戶先爲造房三間。及村堡村路。公用場所。照造村詳細計畫辦理。

第六條 工隊辦法。以軍隊一千人。擔任建築農村工程。按照圖式建築。造村工程畢。即以原有軍隊一千人實行屯墾。照總則第二十二條規定辦理。

第七條 宣傳辦法。先行組織宣傳隊。分往直隸山東山西河南京兆各省區實行宣傳。每省區以一人爲首領。各帶數人。先向各該長官接洽後。分途宣傳。其餘照總則第二十五條所定。另訂詳細計畫辦理。

第八條 招待辦法。各省區招待員。即以原有之宣傳員充任。以資熟手。凡某處應招戶數。集合地點。啟行日期。及乘車地點。火車減費。沿路護送方法。均由招待員妥爲接洽。照另訂詳細計畫辦理。

第九條 分村辦法。各省墾戶招齊後。其某省人應居某村。由西北邊防督辦。在張家口指定地點。派員會同各省移民代表及招待員。實行抽籤。以便分往。照另訂規則辦理。

第十條 領房領地辦法。各省墾戶一經抽籤分村以後。某戶應佔該村某號房屋。即由前條人員。按照冊簿所編號數。抽籤分配。其某戶應領地畝在村之四面。各隨某房號所佔之方向而定。即列其地號於房號簽下。照另訂規則辦理。

第十一條 資助辦法。照總則第十三條所定。由西北邊防督辦派員協定期限事項分給之。照另訂規則辦理。

第十二條 保護辦法。各農村未經設立警察以前。即以附近屯墾軍隊。兼任保護。

第十三條 村治辦理。在村長未經派出以前。由西北邊防督辦揀派臨時管理員擔任。照另訂規則辦理。

第十四條 預算辦法。辦理移民各項事務。應用經費。先行制定預算表。照表開支。但須照實用數目結算。以昭核實。（預算表另附）

第十五條 期限。各項事務籌辦開始及其終結。按照緩急先後。擬具期限表。由西北邊防督辦核定施行。

第十六條 利益。凡墾戶墾地。自播種年起。每畝產糧額及其售價。均須按照附近詳情。製定

一表。以便宣傳而昭信用。其種地以外兼營畜牧林業。所獲利益。亦應附列表後。（第二篇完）

## 政聞錄

### ●西北之軍人婦女教育

設立培德女校官佐眷屬當學生

宗旨爲培養婦德改造家庭改造社會改造國家

建設維持改良均責成各師旅長

西北當局。以增進女子學識。爲救國刻不容緩之事。蓋小則改造家庭。可爲男子之賢內助。大則服務社會。可謀人羣之福利。前特通令所屬各師旅長。各於駐紮地。籌設培德女校一二處。所有官佐眷屬。除有特別情形者外。必須一律入校。否則不准在各駐紮地居住。並着各師旅長。先開官佐講演會。剴切說明婦女與國家之關係。次開官佐家庭講演會。令有眷屬之官佐。



各携眷到會。將婦女求學之必要。反覆說明。學校成立後。尤宜隨時考查。將入校人數。及學生成績。編造表冊。按期報告。務使各軍眷屬有相當之學識。與自主之能力。不獨增高其家庭之幸福。且可出而各盡其對於社會人羣之責任。各師旅長奉令後。按照步驟積極進行。業各將籌備成立情形。陸續呈報。最近馮督辦恐猶有不明斯事之關係重要。更鎔經鑄史。舉例證明。通令各師旅長。可見其思之深。而慮之切也。茲錄於左。吾國女子能力之薄弱。知識之短淺。道德之不充。建述之無聞。非其天性之不及男子。乃其教育之未能普及。積習之未能剷除故耳。本軍培德女校之設。亦卽爲養成女子道德能力。以爲改良家庭。俾趨完善。勗勉夫子。効忠國家之一大助也。蓋愛國保民。親上死長。治家孝親。教訓子女。乃男女共同之天職。試觀古今中外。賢淑名媛。可敬可法者。不勝枚舉。如樂羊子之妻。斷機杼以勵夫。韓世忠之婦。援桴鼓以助戰。以及日本婦女之送夫出征。祝以死還。此皆相夫成名。勗夫衛國之足以效法也。靖節之母。截髮延賓。歐陽之母。畫荻訓子。以及孟母之斷杼擇鄰。柳母之丸熊課讀。此皆教子成名之足以效法也。鮑宣之妻。提甕出汲。伯鸞之婦。荆釵布裙。螺祖之貴。馬后之尊。尙知績蠶繅絲。爲天下法。此其勤苦持家。儉樸勵己之足以取法也。今日婦女。以奢靡繁華錦衣玉食爲習尙。以晏

安坐享使婢呼奴爲榮貴。論見聞不出戶庭。論知識不辨菽麥。甚且不孝翁姑。讒間骨肉。以及種種敗德行爲。不知爲耻。以此女界之黑暗。女德之墮落。如斯爲極矣。欲其平等自立相夫教子以造成最新共和國。不亦難乎。不亦難乎。故今日女校之提倡。女教之注重。實爲吾國急不容緩之第一要舉也。本督辦有鑒於此。故就軍中設立培德女校一所。以爲培養婦德。改造家庭。藉以推而至於改造社會國家之基礎也。則是該校之設。其關係各官佐個人之家庭改造。全軍家庭之改造。社會家庭之改造。國家家庭之改造。均有種種密切之影響焉。故本軍各師旅團長等。嗣後對於該校之建設維持。及各種改良辦法。均必切實負責研究。以期進步爲要等語。慨自國內軍閥。納妾蓄婢。釋戈以嬉。晏安鳩毒。恬不爲怪。觀西北軍之尊重女權。（前曾通令禁止納妾）創設女學。改造家庭。不知亦惕然興起否噫。

### ●西北之空前運動大會

西北邊防督辦所屬各部隊。於雙十節在張垣舉行秋季運動大會。一則祝賀國慶。一則比賽技術。誠一舉兩得也。是日天高氣爽。塵沙不揚。上午八時開始運動。下午四時散會。在此最可寶貴之時間中。當事者耀武揚威。各顯身手。旁觀者肩摩轂擊。驚歎不已。茲將見聞所及。略述

如左。

一會場之佈置 會場在陸軍醫院前之大操坪。南北兩門各紮彩坊一座。橫額各書「秋季運動大會」六字。兩旁書「吾未見剛者」「君子尚勇乎」一聯。倚北設一評判台。台東爲女賓參觀處。西爲男賓參觀處。至評判指揮招待各員。均先由各高級軍官派任。

二會員 會員以駐北京南苑察哈爾綏遠宣化各師旅及各教導團交通團幹部學校都統署衛隊營等。其名額駐察每旅以官佐十人目兵二十人伙夫五人爲限。其他每旅各以官佐三人目兵六人爲限。警察廳亦派警官二人警察十人。惟駐防甘省部隊因路遠未加入。

三奉軍參加運動 奉天張軍長作霖聞張垣開秋季運動大會。特派金官長領率運動員二十人來張參與各項運動。一則聯絡感情。二則互相觀摩也。

四運動門類 運動門類除軍隊應有之技術外。並包括田徑賽跳高跳遠國技遊戲等。計三十門之多。

五運動特色 諺云。人上一百。武藝俱全。況數十萬健兒中挑選數百之運動員乎。是以各種運動。均精鍊超羣。其中尤具特色而饒有興趣者三。(甲)擗角。擗角爲我國之特別武術。國民軍

尤擅特長。是日當摔角決賽時。張都統與日俄領事均蒞場參觀。與賽者四十餘人。最後挑選勝利者六人決賽。復將最後決賽之勝利者（蒙人）與摔角洪教師較。結果初則互有勝負。繼而旗鼓相當。張都統遂令停戰講和。中外人士至稱爲絕技云。（乙）硬腹。運動員中有回民馬華祥者。體格強健。仰臥地上。置重四百餘斤之石板二塊於腹上。復令力士持二十餘斤重之鐵錘擊之。石碎而馬君神色不驚。觀者均稱爲銅筋鐵骨云。（丙）騎牛競走。騎牛競走爲運動項目之一。亦運動中之創見。蓋牛無鞍蹬。行路緩慢。鞭之仍頑鈍如故。故競走時。騎者則手足失措。觀者則發噤不已。

六團體得勝者 運動比賽最宜注重團體。此次運動結果。團體得勝者則屬第七旅云。

七獎品 此次運動會之獎品甚多。其中如手巾手套洋襪等係張軍長所贈。手錶夜光錶係馮督辦所贈。優勝旗係李都統所贈。其他墨盒各項物品則爲張都統所贈。除得勝者之團體或個人分別給獎外。並每人各贈給手巾墨盒各一。又贈給奉軍每人衛生衣褲一套。軍人教育墨籍一冊。藉答謝張軍長盛意云。

八張都統演說 發給獎品後。張都統登台演說。略謂此次運動之主要目的。爲攷試大家之

技術才能如何。無論各種競走。各種武術。皆足表現諸君平日修養之深淺。至於得勝者之與以獎品。不過聊示獎勵之意。並無何等關係。……還有一層最緊要者。大家須對張軍長表示感謝之意。因張軍長不遠千里。派金官長率領軍士前來參加運動。我們十分歡迎。而張軍長注重軍隊之教育訓練。尤令我們私心感慕。我軍與友軍同為國軍。同以救國為目的。志趣相同。親睦如手足。乃奸人從中造謠。蜚短流長。殊堪痛恨。今日張軍長派員到場。兩軍相見之後。益覺感情融洽。此為我軍與友軍親善之明證。……諸君每人所得手巾手套洋襪均係張軍長所贈。……末復指出運動場中之缺點。並謂明春尚有春季運動大會。諸君當再接再厲。余當拭目再觀諸君之成績云。演畢。攝影而散。是日男女來賓參觀者計三萬餘人。誠西北空前之大會也。

## 大事記

### ●國內大事記

嘯岩

雙十節●臨時執政雙十節之通電○略謂國難解紐。綱紀蕩然。嗟我士民。久罹鋒鏑。迫不獲已。勉任仔肩。期以和平。歸於

統一。本此志願。委曲以赴。凡百有位。概念時艱。同心協力。勤求治理。民會選舉。計日觀成。根本大法。亦將釐定。惟是一年以來。叢脞良多。……高位忝膺。責無旁貸。……凡中央及各省區長官。舟楫同持。休戚共與。……蕪登。上理。福求衆生。大法既成。咸遵正軌。民國榮譽。水垂無極等語。●全國教育會聯合會十九代表集合湖南。○田各省區教育會所組織之全國教育會聯合會定於今日在湖南開第十一次常會。各教育家已羣集長沙。不日正式開會。對於教育前途。必有特殊貢獻也。●英總理之我國民氣談。○英總理鮑爾溫發表對華演說。謂現在中國之空氣已漸緩和。將在北京舉行之關稅會議。余實希望各種提議均引起中外間之合作。不知國人視此冷嘲熱罵。當作何感想。

十一日●荷蘭決定退還庚子賠款。○荷蘭公使歐登科將荷政府決定退還庚子賠款之照會送交外部。至於該款之用途。希望用以促進中荷間之文化事業云。●美國關稅會代表抵滬。○美國出席關稅會議全權代表施特暨眷屬隨員等於今日上午抵滬。軍政交涉各長官均到碼頭歡迎。

十二日●故宮博物院開幕與開放。○清室善後委員會遵照政府命令。已將故宮博物院全院部署就緒。內分古物圖書兩館。於昨雙十節舉行開幕典禮。並全部開放數日。任人觀賞。十一十二兩日參觀計五萬餘人。

十三日●外交部最近對於滬案之態度。○外交部關於滬案照會公使團。(一)詳述五卅案件責任及賠償應屬英國。(二)無條件收回會審公廨。(三)英工部局增加華董名額應以納稅華人多寡為標準。以上三點如能承認。即可定期開議。●滬紗廠罷工半日。○上海紗廠於今日罷工半日。表示反對司法重查。

十四日●漢案空洞了結。○漢案先決五條結果(一)撤退軍艦。移京辦理。解除義勇巡捕武裝。因其武裝係臨時給與。如中

國。能保護租界。自不成問題。(二)英界設華警八崗。緊急時華軍可進入租界保護。(三)賠償保留。(四)太古遷移後續議。(五)英當局佈告巡捕不得無禮侮辱華人。華官廳亦誠告華人勿違警章。各界以太空洞。多責言。

十五日●政府對滬案重查之態度○政府對滬案重查。頗能堅持。並未參加該項調查。故不論其結果如何。使團如何通告。決持與我無關之態度。●取締外商內地營業○外部近因內地每有外商違背約章。經營商業。特照會駐京各使。重申取締。(一)外商營業。只准在各省會商埠或鐵輪船所通之處二十里內爲限。(二)外僑在華經商無土地所有權。惟締結租賃契約者。得於一定期限內行使租賃權。(三)外人設立公司。須按照法律在農商部註冊立案。(四)外人在華不得販賣鴉片毒品。軍火武器人口。及米糧中國錢幣食鹽出口等營業。

十六日●美國對於關稅會議之態度○出席關稅會議美代表。將來不僅主張關稅自主。設此種提議如遭拒絕。美即宣言放棄一切權利。再與中國根據最惠國待遇條款。另行締結新約。

## ●國外大事記

十月十日●土國學生之排英運動○土耳其大隊學生舉行反英示威運動。且呼推倒英國交還莫索爾及莫索爾係土國所有等口號。●國際議院聯合會討論裁兵○國際議院聯合會採納丹麥代表之建議。研究方法。裁減各國軍備。十一日●日教部實行函授○日本文務省實行函授制度。俾無刀受大學教育之分子。得有研求高深學問之機會。●美捷債務問題解決○美與捷克斯拉夫兩國債務問題。捷已承認每年償還美債三百萬元。以十八年爲期。以後逐年增加。於六十二年內還清。蓋捷欠美債總數爲一萬一千五百萬美金云。

十二日●法工人援助摩洛哥實行罷工○法國工人爲反對政府以武力壓迫摩洛哥之克里木會長。議決於今日舉行二十四小時同盟罷工。

十三日●德俄鐵路會議議決之大計劃○東普魯士克尼斯本舉行之德俄鐵路會議。議決建設一德俄華日四國之長途直接鐵路交通。●叙利亞回民繼續抗法○叙利亞回民之獨立運動。近日失利。但該地回教士迭次與民軍領袖會議。全體主張繼續抗法。堅持到底。

十四日●遠東熱帶病會議開幕○第六次遠東熱帶病醫學會議。前日在日本東京帝國大學行開會式。參加國二十有餘。約五百名云。

十五日●保障會議可有結果○保障公約現已實行簽字。德總理路特爾與外交總長史特勒斯孟均公然表示滿意。義大利對於保障公約。極表贊成。即法外長調停德外長與波蘭公使格林斯凱間之爭執。亦奏成效。是以會議可有結果。

十六日●日本之取消販賣人口運動○日本現有一百五十餘團體聯合舉行取消販賣人口大運動。此運動係根據國際聯盟會禁止販賣婦孺。作不道德事業之規定。日本代表。彼時主張於相當範圍內加以保留。故各團體聯合主張應立即完全取消云。

雜俎

詩



疊和袁君家普中秋感懷四首

舌存

吹破浮雲月乍流。管絃聲裏又中秋。胭脂兒女羣歌歇。肝胆英雄一劍抽。萬里關山人出塞。滿天風雨客同舟。東坡醉飲欣佳節。遙寫新詩寄子由。

誰是中原第一流。百年雖短足千秋。丹心渚北楓如染。傲骨籬東菊已抽。十萬胡兒驩入塞。八千子弟壯沉舟。唐虞揖讓渾閒事。曠飲江干笑許由。

月湧黃河勢欲流。短衣匹馬一鞭秋。筆投定遠心何壯。纓繫樓蘭頸若抽。北海牧羊蘇子節。大江如鯽晉人舟。匈奴古號天驕子。爭向沙場博自由。

飛將軍老自風流。一雁書傳塞外秋。絕域葡萄知種異。故宮禾黍爲誰抽。緱山白鶴驚聞笛。江水黃龍欲負舟。鯤化北溟鵬九萬。垂天翼展馬來由。

張垣中秋賞月是夜有雲

澄菴

露重風寒塞北天。平分秋色覽宜邊。家家畫像供金兔。家家各掛畫畫月。宮諸神中一金兔。處處留賓列玳筵。悵望雲遮頭上月。欣逢星聚酒中仙。厭厭漸覺明如晝。漏出蟾光分外妍。

歲時風土異吾湘。拜月門前餽釘香。蜜餌遍嘗瓠大餅。餅大者二人扛一個。嘉饜爭膾苴青羊。秋草盛時羊味美。遲回好景瞻雲切。團坐清宵話夜長。四美難兼秋過半。諸君今夕莫相忘。

伯夷

松介

文武不貶王。高節等愚癡。要植擎天柱。留作萬人師。

信陵君

流涕椎晉鄙。一戰破秦兵。負罪酬知己。眼底無五城。

河上謠

船到急水灘。鬆手便下流。幾篙撐過去。平湖在上頭。

詞

瑤華慢(武昌七夕)

鄭叔瀛

銀河萬里。畫橋仙子相憶偏相見。人間今夜。還抱却會少離多幽怨。樓針斜倚。早乞到情絲紛亂。望洞庭秋水連天。付與寸腸千轉。思量避暑驪山。曾誓語。憑伊心似金鈿。誰知靈夕竟。只有仙子年年懽宴。聽零似我空悵望。天涯人遠。更那堪。地西風。還把流年偷換。

聲聲慢(秋柳)

鄭叔瀛

情絲宵雨。恨縷低烟。白門寥落時候。那便輕狂。早被西風吹瘦。年年曉窗壓綫。歎淒涼。今年還又。問何事。剩斜陽。芳陌玉塵依舊。記省畫樓春暖。是翡翠簾櫳。嬌蕊穿就的。儼聲圓。空把佳期頻數。蕭娘黛眉暗鎖。更誰知。衣寬金縷。追憶苦。悵秋痕。依約露華涼透。

格言

以教育遺子女。爲最上之產業。以金帛遺子女。名爲愛之。實爲害之。司可直  
教育目的。在使兒童爲自主自立的人。勿使兒童爲依賴他人的人。斯賓塞

## ●勸民歌

薛篤弼

叙言 欲救國家。在正人心。欲正人心。在明教育。今中國海內鼎沸。人心澆漓極矣。憂時之士。莫不汲汲焉謀補救之方法。圖教育之普及。雖然教育必適合乎國情。而後可利於推行。會亦思吾國今日之國情何如。人民之程度何如。就今實施普及教育政策。多設學校。廣造師資。嚴查學齡兒童。竊恐二十年内仍無大效。然則崇尚演說乎。願演說僅囿於一隅。而不能徧及於多數地方。推行報紙乎。但報紙亦僅限於上中社會。而不能適用於一般人民。就中惟唱歌一科。爲普通人心理上所甚愛。且無論識字不識字。皆能學習。又不多費款項。即可辦到。兩兩比軫。實屬輕而易舉。果能各處因勢利導。切實提倡。藉以補助報紙與演說之不及。獲効當必較速。而用力亦必較少。孟子曰。仁言不如仁聲之入人深也。善政不如善教之得民也。篤弼昔年長常德縣時。嘗考古人創爲樂歌之源流。與夫近世發明唱歌之趣旨。並悉心體察吾國現時社會之狀況。曾編俚言歌二十五首。印發民間。一時巷詠途歌。雖數歲童子莫不歡欣鼓舞。一唱百和。效力所至。習俗亦默化潛移。及宰長安。公餘又略事增改。都爲四十三首。顏曰勸民歌。篇中於立身行己。應事接物。出處大節。三致意焉。歌詞求俚俗者。便記誦也。文義取淺近者。欲易解也。事不外尋常日用者。冀實行也。世之君子有廣同調者乎。所望設法推廣。或俯賜糾正。如能另撰歌詞。印行尤所欣慕。然則篤弼斯歌之作。其亦移風易俗之一助也乎。是爲叙。中華民國十四年一月。京兆尹薛篤弼

勸孝順歌

我爹娘生我養我。吃盡苦和辛。  
 爲兒不知行孝道。怎麼能算人。  
 想求爹娘心歡喜。第一要保身。  
 安分守己務正業。努力報親恩。

勸勤學歌

我爹娘供我讀書。望我能顯揚。  
 光陰一去不再來。勤學莫廢荒。  
 正在青年不努力。到老徒悲傷。  
 自古將相本無種。男兒當自強。

勸勤苦歌

凡爲人總要自立。第一在辛勤。  
 若能吃得苦中苦。方爲人上人。  
 男要做工女做活。發奮莫因循。  
 不愁沒錢沒衣食。快樂養終身。

勸早起歌

每日間總要早起。愛惜好光陰。  
 勞神勞心兼勞力。越勞越精神。  
 日上三竿不起牀。志氣必銷沉。  
 公事私事都耽擱。終久成廢人。  
 (未完)

叢 談

●匪譚

節譯苛烈(W. B. Cole)原著

廷璋

一日某牧師自閩興化歸省。出城有四人偕。四人前行纔數武。狀貌如常人。追及詢何往。答言赴某司令部。某司令部者著名之綠林軍也。牧師驟聞。悚然懼。繼以好奇心。既怪其敢橫行於軍警監察下。乃立意詰之。怡聲問君等何敢來。曰。吾等未軍裝。未手軍器。面上又未涅字。胡不敢。曰。君等皆良少年。胡不執正業而爲匪以擾閭里。一人曰。吾本農民。田涸。與某一羣爭水。其中有警長與政府通聲氣。誣吾拘送官。官偏聽。置吾獄。罰百二十元始釋。吾憾而投匪。思報復。一夕率同黨劫吾仇。令出千元自贖。今彼等亦入一黨。轉與吾仇。吾常懼防之。一人曰。吾亦農民。家八口。客歲颶風毀稼。家資甚一。戚染芙蓉癩。禁煙員覺而捕之。既見其無可索釋之。反繫吾。誣以助威抗官。罰二百元乃已。政府又苛征吾之田宅。逼吾購大包鹽。吾未種。蠶粟而徵稅甚重。又逼吾爲軍隊運輸。不一給食。卽食且不飽。吾欲免茲苛政。故遁入綠林以自免。又一人言曰。吾亦農民。噫。吾村不幸兩大姓尋釁。某姓強。其領袖又倚一匪魁得其助。吾族無他策。惟有遣一人入另一黨以相抗。遂選吾入之。牧師乘間問曰。君無妻子乎。曰。有一六旬老母及一婦三子。嚮者吾母病。向黨魁乞假數日。不許。以十元禮物請。仍不許。吾無法。乘夜逃歸。渠派隊執吾返。並罰吾錢。牧師曰。人無不思家。君等何獨拋六旬母及妻子。曰。吾今不能歸矣。苟知斷送吾一生。吾寧留家僅啖兩口粥。愈於匪。又一人曰。吾乃一士紳。遭匪擒。勒贖金五百。吾不能籌。匪魁乃言若入黨。則六十元可了。且保護汝及汝族。人懼汝。不敢侵。蓋匪必援其同黨及其親戚故也。吾不得已允之。牧師問曰。黨魁果踐言捍衛君。如君所望否。曰。吾黨與敵黨爭不已。政府軍隊近掠無村。怒吾爲匪。劫吾財。焚吾宅。吾家急避入鄰村。牧師曰。君盍移居廈門以謀生。徐俟故鄉之安謐。曰。吾今不能矣。吾有一友爲質於黨魁。牧師轉叩第一匪。是否不能脫離匪黨。與該三人同。答曰。吾早想歸家。但不敢。懼抵家則吾仇密告政府。捕殺吾。曰。然則君等爲匪不愈危險耶。既而察見某一小斑痕。匪等亦自認一

夕必數遷。日必有數傷。牧師曰。惟一途可脫此厄。倘奉耶穌教。中國人將相愛如昆弟。官兵亦且相率爲善。時已達分路點。四人謂牧師宗教誠善。但吾等今不得不從此辭矣。仍上山。從其匪首於寨中。此譚話足示各匪之成因。大半爲政府所造成。其原料則出自爲國基礎之苦力農工。其醞釀力則爲貪婪自私。秩序正誼既失效。紛亂之現象。遂日卽於危而不可救。嗚呼。苟子之不欲。雖賞之不竊。吾不能不爲中國懼矣。

按某牧師所述。雖未盡可據。然中國現象。日卽於紛亂。則固無可諱言。甚望當局。有以消弭隱患。毋徒爲見仇者所快可耳。

## ●西北風俗談 內外蒙古

嘯岩

### 一 蒙古風俗與自然環境和宗教之關係

蒙古風俗。受自然環境和宗教之影響甚大。蓋自然環境足以支配人之生活。(衣食住)宗教足以支配人之心靈。蒙古之自然環境與宗教。和我國內部特異。故未談蒙古特異風俗之前。特將蒙古特異之自然環境和宗教簡略介紹。藉可明瞭蒙古特異風俗之由來。想亦閱者所樂聞也。

(一)蒙古之自然環境——蒙古南爲陰山山脉蜿蜒圍繞。北爲阿爾泰山山脉。龍蟠虎踞。所構成之高原。面積一、三六七、六〇〇方哩。雖地位溫帶及季節風之中。距太平洋海岸甚近。但春夏東南風所帶的水蒸氣。均被陰山脉阻隔。不能送至內地。秋冬西北風又爲阿爾泰山脉遮蔽。空氣乾燥。是以雨澤稀少。氣候寒暑俱劇。形成世界有名之大沙漠大草原。惟便於畜牧。(南部則有可種植者)故人民以遊牧爲唯一職業。因之衣食住三者之形式與漢人以稼穡爲職業者大異。

(未完)

敬啓者本社以西北地方面積占全國之半。而地廣人稀。交通阻滯。國人耳目遠隔。殆久視同化外。邇幸西北當局銳意經營。凡關於移墾交通教育實業各政策。國人均異常注意。馳東探詢。絡繹不絕。每苦事冗。不暇裁覆。良用歉然。兼自滬案發生。此間對外。尤極激昂。經濟絕交。實行數月。到底不懈。頗足爲國人增氣。全國視聽。早已爲之一傾。而外埠各報。祇以關山遙阻。致多語焉未詳。同人等忘其謏陋。特應時勢需要。創設本刊。原期共見共聞。與國人以總答覆之機會。業已發行數冊。奉塵左右。謬承各界歡迎。郵函訂購者。尤應接不暇。供不應求。且感且愧。當益策奮。力求進步。爲此徵集。台端雅意。倘辱過愛。願閱長期。則請將左列訂單。填寄本社。自當源源奉寄。藉領教益也。肅此佈臆。順頌。日祉。

西北彙刊社啓

茲訂閱

西北彙刊自第

期起至第

期止計洋

元

角

分

連同郵費洋

元

角

分共計大洋

元

角

分一併

寄上希卽

查收掣發收據按期照寄爲盼此致

台照

姓名  
住址

中華民國

年

月

日

西北彙刊訂單

## 本刊價目

每期一冊銅元八枚 每月四期大洋一角 半年二十六期大洋五角五分 全年五十二期大洋一元 郵費本國及日本每期一分 歐美各國每期四分 倘欲訂閱者請將訂單裁下填列姓名住址連同價目郵費款項寄交張家口小營房街本社自當按期寄奉不誤（訂報函件務請掛號空函恕不奉覆）

西北唯一之週刊  
西北彙刊欲謀普及  
闢為公共言論機關  
故半購半送

本刊每週出版一冊約萬五千餘言內分影片研究評論譯著調查計劃演講政聞錄大事記特載雜俎等材料豐富主張穩健調查翔實編輯審覈定價低廉（祇收回紙本半價）寄送迅速凡注意西北者不可不手一編也

張家口小營房街一號西北彙刊社